

'ola ti'ausna homo yaakuzo ta cou

ine noana'o ho moso la yaamcoia, o'a moso la maita maitan'e na nia
hia ti'ausna, ohola efo'a to aemana to iachi emoo 'o micu kuzo, pano oho
c'ola pangohca hoci eno o'te hmoi, ina ohola hmoi, moso ahoi ne mohcu
maaya, o'a mocu mo na'no noana'o. ina ohola pangohca micu'so na'no
noana'o.

ine mohcu maaya, ohela na'no eemo'a ho la efo'a to aemana to iachi
emoo 'o micu kuzo, ahoi ho mio, ho la yaamcoia, lac'u efo'a to heuf'a to
yafana.

ho ohola efo'a no aemana no iachi emoo na micu kuzo, la ahoza eomia
to 'ue ho futa, tac'u sia tola ayoca peifeongva ci feongo, ho aacnia poa
mi'usnu no omia na sapcisi, tac'u efo'a.

ne noana'o, hoci kuzo no tan'esi no cohiona, la osnia efo'a, honci kuzo
no ta'esi no cohiona, la efo'a to hucmasi, la poa miteuhi 'o mon'a oko, poa
miemohi 'o micu ake'i saasmoyuskɔ, poa miptuhi 'o micu nomoei, tac'u
peepungi.

ta'so maitan'e, micu na'no h'unasi 'ola hioa homo yaamcoia, upena ho
lac'u na'no titvohɔ to puutu hoto kiokai, panto tenan'a'so yaeza ae'aepunga

ci mahihioa to 'oyonatmopsɔ, tac'u peela efo'a 'o micu kuzo. ko'ko la c'u
mamimiteuhi, mamimiemohi, mamimiptuhi tac'u petohɔya efo'a 'o micu
kuzou.

ne noana'o, ho o'a mocu isi peepungi 'o micu kuzo, lan'a yaeza p'ani. ta'so
maitan'e, panto lahe'so potani to kiokai honci p'ani 'o micu kuzo, upena
homo maica, ci panto la aasoe p'onɔ.

maica ho micu ausuhcu kakutia nante peela yoni emuf'o to heuheuf'a,
micu ausuhcu botngonɔ 'o lahe mozac'o hmoi.

upena ho micu na'no aezuhu maitan'e 'o la hia ti'a'ausna ta cou, ci mion'a
so man'i 'o la peesi ci a'a'ausna, maiho eno o'a la meelɔ pahpasunaeno
homo yontomo yakuzoa, la tiupopoha'o tola mahihioa , 'aenguza hoci'so
poa supeohɔ ho apuhcua nala matititha. 'avinano lean'a asngɔcɔ meelɔ yupa
toto'usnu 'o mao'oahngɔ ta mahuhuehungu, eni 'o mon'a na'no ɔmnɔ ci isi
peela titakca ta cou maitan'e.

鄒族喪儀

以前處理喪事與現在不同，有室內葬、流水葬或火葬。從日本時代起就改成野外墓葬。以前採室內葬時，會用黃藤固定，然後放置在事先挖好的洞裡埋葬。如果是中午前過世，就會馬上埋葬，中午過後，就是隔日埋葬。年紀輕者的喪期為三日，中年為五日，老年七日。現今有人會依教會規定或有其他作法，會等喪期過後才埋葬。喪期期間有的會為往者祭祀供食。喪期也有禁忌，不能唱歌，但是，遇到喪事，族人之間仍會維持主動幫忙喪家的良好文化。